



Boissier, Pierre-Edmond

Diagnoses plantarum Orientalium novarum [...] Series secunda. N.º 4... (1859)

Index

1. 51

2. 52

cl. Noë, in regione alpinâ montis *Masmeneudagh* inter *Tarsum* et *Cæsaream* cl. Balansa pl. exs. 1855 (sub. *M. micrantho*).

Caulis longiores etiam post anthesim semipedales, folia caulium sterilium 3-5 lineas longa, caulina paulò majora. Species inflorescentiâ peculiaris propè præcedentem ex formâ dentium calycis collocanda.

Obs. *M. condensatum* Boiss. in pl. Noë exsicc. a. *M. globoso* M. et Auch. non specificè differt cujus forma micrantha est magis condensata.

MARRUBIUM CYLLENEUM Boiss. et Heldr.

M. totum indumento albo-cinereo sericeo pannosum, caulibus erectis vel ascendentibus simplicibus, foliis rugosis mollibus inferioribus ovato-rotundis subcordatis, floralibus ovato-oblongis breviter petiolatis omnibus obtusissimis obtusè crenatis, verticillastris 2-3 remotis multifloris, bracteis subulatis calycino tubo plerumque brevioribus, calycis breviter tomentosi striato-sulcati dentibus subulatis tubo triplò brevioribus erecto-patulis, fauce pilosâ, corollæ tubo incluso, galeâ elongatâ bifidâ.

Hab. in saxosis montis *Kyllenes Peloponnesi* Heldr. alt. 3500'-7000'. Orphan. Fl. græc. exs. N° 299, montis *Chelmos Achaïæ* Heldreich.

Species *M. velutino* e Parnasso quocum eam diù conjunximus affinis tamen characteribus sequentibus distincta. Indumentum minùs flavidum, bracteæ breviores, dentes calycini tubo triplò breviores nec eum subæquantes minùs patuli.

MARRUBIUM THESSALUM Boiss. et Heldr.

M. caulibus ascendentibus simplicibus internè laxè lanatis supernè tomentosis, foliis rugosis indumento albo-cinereo sericeo pannosis ovato-cuneatis petiolatis, floralibus oblongis sessilibus verticillastro sublongioribus omnibus crenatis, verticillastris 2-5 distinctis multifloris lanato-hirsutis, bracteis subulatis calycis tubo subbrevioribus, calycis tubo striato glabrescenti dentibus subulatis tubo æquilongis basi hirsutis apice glabris, fauce parçè albo-hirsutâ, corollæ albidæ tubo incluso galeâ bifidâ.

Hab. in pascuis² alpinis montis *Olympi Thessali* cl. Heldreich. Floret Julio.

Species affinis *M. velutino* et *M. rotundifolio*. A priori differt indumento florum lanato calyces et bracteas subrecondenti nec brevi puberulo, a posteriori dentibus calycinis multò brevioribus ab utroque foliis floralibus angustatis nec rotundis *M. globosum* M. et Auch. indumento et habitu simile habet flores minores et præsertim dentes calycinos brevissimos.

MARRUBIUM HETERODON Boiss. et Bal.

M. adpressè cinereo-tomentosum, caulibus erectis vel ascendentibus simplicibus, foliis rugosis acutiusculè crenatis caulium sterilium oblongis, caulinis et floralibus ovato vel oblongo-spathulatis his verticillastra superantibus, verticillastris 2-3 distantibus multifloris, bracteis eleganter hirtis subulatis calycem æquantibus, calycis striati longè hirti dentibus tenuiter subulatis totâ longitudine ciliatis duobus tubum æquantibus cæteris brevioribus, omnibus rectis.

H. velutinum var. *heterodon* Bth. in DC. Prodr.

Hab. in regione alpinâ *Tauri Cilicici* Kotschy! Balansa! Species a *M. velutino* specificè distincta indumento tenuiori minùs pannoso, foliis turionum angustatis, foliis floralibus minùs amplis sed præsertim bracteis tenuioribus ciliatis sæpè 7 lineas longis, calyce ferè longissimo generis cum dentibus 6-7 lineas longo, dentibus inæqualibus non rigidis nec patulis.

MARRUBIUM ALBUM Boiss. et Bal.

M. totum adpressè albo-tomentosum secùs partem inferiorem caulium et folia turionum niveo-lanatum, caulibus erectis simplicibus vel ad basin inflorescentiæ 2 ramulis brevibus acutis, foliis turionum oblongis minutis subtùs præsertim densè niveis, caulinis oblongo-spathulatis minutè crenulatis rugosis subtùs magis canis, floralibus deflexis oblongo-linearibus verticillo æquilongis vel brevioribus, verticillastris 5-7 globosis multifloris inferioribus distantibus superioribus approximatis, bracteis subulatis muticis calycino tubo triplò brevioribus, calycis tomentosi brevis dentibus